

匪

比

集

(2)

8-15

甌北集

甌北集卷八

起庚辰正月
至辛巳正月

陽湖

趙翼

耘菘

元日早朝

彤庭冠佩賀元辰
今歲朝儀分外新
雞鹿塞俱編屬國
麒麟閣已畫功臣
呼韓稽首班行肅
契苾駢肩宿衛親
紉縵五雲金闕朗
太平中外一家春

偕北墅青來壽雪蔣亭竹軒郊園納涼

退直日未夕
蕭閒無塵機
素心四五人
聯步穿林霏
一鷺若前導
斜飛過釣磯
層巒多古松
大者皆合圍
藉草坐其下
空翠襲葛衣
日仄松陰轉
吾亦隨之移
流連不覺晚
披襟澹忘歸
皓月忽已出
清暉流翠微

哭汪幼泉民部

不謂吾師後驚傳冢嗣殂門庭望弓冶名字是醍醐官
未施行馬人猶愛及烏盛衰何限感賸有淚痕枯
別未三年久哀從兩世增師門今遂替天道竟安憑鶴
髮悲應極鵠原力未勝敬容殘客在報答愧何能

于闐玉歌

驛馬奔車汗流足將軍遞到于闐玉大小磊落三十顆
生牛皮裹牢結束白作截肪青蔚藍瑩澤皆如水新沃
觚稜初曉肅奏進光映朝霞炫人目此邦遠隔玉關西
洪荒以來未內屬崑崙西流入其境分三玉河烏白綠

見平居誨子
闐行程記

少時讀史疑天外何處西域三十六張騫使節

空經臨呂光兵威未降伏豈知今日入版圖周索新恢
過身毒此玉遂充方物貢水漲撈來不煩督足覘我

朝德威溥地盡九垓悉燾育君不見天寶初載索西賁
興師勃律武功黷裹糧轉戰四萬人海激成冰一朝覆

見酉陽
雜俎

又不見大觀年間造八璽遣使往求幣滿篋答書

竟號獅子王國寶雖成國體寶

見游宦紀聞
皆于闐玉事

卽今網載來輪

蹄習見翻似豐年穀試披往牒徵典故此事古來見者
孰傳之史策垂無窮應笑漢家侈邛竹

古北口

設險人增一堵墻天公寒燠豈分疆如何一樣垂楊樹
關內青青關外黃

驟雨

蟄雷轟脚底驟雨注峯巔風吼千山樹天低萬竈烟馬
驚拳似蠋帳拔舞如鳶忽漫高空掃羲輪又朗懸

次韻倪敬堂僕少過玲瓏山之作

山行日日馬首東慣見岡阜如遊龍忽然高崖挿天起
幻出十里玲瓏峯佳名傳是

御題賜倍覺峯勢增玲瓏健鬣森開巨魚脊萬古排立
摩青穹但疑斲削五丁手詎藉雕鏤工僇功袤延如屏
薄如紙幾恐片片吹落隨罡風嵌空一竅更誰鑿如大
圓鏡懸虛空噓吸朝霏味寒秀透漏旭景光瞳矐橫吐
風穴聲萬籟側穿月窟翳一重惜哉拋落甌脫地空自

岌業排如壙洪荒以來未有人跡到七十二代徒向云
亭梁父誇登封茲峯倘得托區夏當與岱松嶽藕日觀
雲海相爭雄何至鬱鬱久埋沒韜竒潛采塵霧蒙但有
牧童橫笛卧淺草樵夫持斧尋深叢彼方身在畫中不
自覺那能標舉勝概傳郵筒豈知山川靈秀待時顯入
我朝始光昭融向來廣莫之野罕過問一旦包入長
楊五柞周陟中忽如一鞭驅之到禁籞不煩畚鍤移
愚公吾皇更爲肖形揣稱錫嘉號益使匡廬面目呈真容譬若
渭濱釣叟老不遇忽經後車卻載稱非熊千年古松偃
蹇深澗底匠石一顧作棟隆峯乎峯乎可以慶遭逢從

此名敵泰華，豈不比武陵遠？
銅鑾子國豈同仇，池屈陷
氏王宮。我生到此信何幸，
得從甫草歌車攻。況有勝侶
老詞伯。

帝後第七車，是倪寬翁相與。
緩鞭恣游覽，橫看側看奇。
無窮君家錢，塘山水窟尙有。
兩高三竺堪支筇，伊余生
長陽湖畔。假山僅藉壘石充，
今朝不覺歡喜讚歎得未。
有開闢眼界觀鴻濛，欲傲五
臺五座大耆峴。不數九華
九朶青芙蓉，亟拈秃管和
強韻要記雪泥爪迹附塞鴻。
次韻王禮堂光祿木蘭枉贈之作

霜天藉草共論文，閒對荒原
萬馬羣。如此雅懷良可笑，
自慚少作久應焚。針師門豈
嫌人販，隣女光應許我分。

却喜結交從塞上向來京邸漫相聞
書生袴褶狀如何非我能騎馬善馱此地只應知已少
如公始可患才多經繙東土非三竺水徙南流失九河
戎帳一樽談古學兩癡不覺到顏酡

扈從途次雜咏

帳房

陸居那有屋布幕羃荒塍地恰規方丈天惟隔一層常
分茅店月敢擬幔亭燈風雪聊堪蔽求安本未曾

風旗

帳房所在各立
旗以爲識別

危竿旗色別卽此是心旌不畫龍蛇動偏分赤白明遙
知戎帳在略似酒帘輕人馬皆能識於斯悟用兵

土竈

掘地爲竈

莫笑塵生甑由來掘地炊柴燔無老婦蓐食似潛師詎
仿風爐製聊存土銚規行圍非禦敵不用減增爲

晃燈

夜則懸燈於竿亦以識別

懸燈形製異識別爲宵行陸地成星海荒原列火城方
圓無混雜三兩各分明訝許冰霜夜何來萬點螢

行牀

可疊如湘扇將懸少戶楣粗寧煩象飾低恰稱龜背百
尺高何用五更盡輒移尙憐僮僕輩席地草紛披

矮桌

高惟憑寸木方豈僅三隅難卷宜早論摸稜敢短踰當

筵趺坐慣隱几鞠躬劬或作齊眉案侏儒所必需

馬繩

繫大絙於竿所以拴馬

曠野無閑廐長絙繫短桅似將綿蕞禮欲範跣跣才也
比金羈絡非銜鐵騎枚繫維終雅意爲恐遠颺開

駝筐

以柳爲之盛器什負於駝背

織柳裝家具封駝力素諳製原從曲木用恰抵都籃豈
壓明蹄重偏宜腫背擔亦知車載好深恐阻層嵐

行李亦有以車

載者每遇險阻輒後期不如駝負之可以必到

銅硯

狀如方匣以絮漬墨汁實之可以蘸筆以其便於攜帶也

斲石姿能潤澄泥質亦良誰知銅穴臭也染墨花香蘸
慮霜毫禿磨將盾鼻當桑僑還用鐵此製亦何妨

皮包

以裝衣被

巾箱嫌易礙襪被此堪攜腹大何空洞皮柔少角圭能容真有量最軟任相擠緘口懷韋佩鴟夷漫滑稽

既裹物則結其口

皮碗

皮爲質髹漆之

木豆深防褻金盤太覺奢名從陶復穴技出革工家不慮翻羹碎難供鼓缶嗟只嫌髹漆氣未可用烹茶

火鑱

雅製觿同佩神功燧共靈此金能尅火似刃發于矲寸線驚飛電千芒迸亂星隨身攜燭具一笑比流螢

短褂

短後衣原古戎裝稱服驂十圍腰欲露半臂手難函

古半

臂之製
想類此

褻袂雙非隻明衣一可三

褻袂短右袂此則兩袂皆短明
衣一身有半此則僅半身而已

焦

僥如著此或尙覺麤麤

戰裙

縛處藏純袴披來露繡褶何須白練製畧竝錦韉長衣
反居裳內男偏作女裝裙腰青草色相映道途旁

幔城

裁布成城郭斯須百堵移白疑圻者聖速豈化人爲圉
壁非疊舍重輪似月規笑他蒸土築空費十年期

壇廬

畧用紅氍蓋全裁白氎光穹廬原北俗

圓爲蒙
古包

方幄號西

洋

方者曰西
洋房子

軟不鳴簷雨皚疑有瓦霜營門千帳拱

國北集
卷八
帝座在中央

御道

廣陌平如砥
觚稜界兩旁

兩旁起高
稜如厓

過山連鳥道到水接

虹梁汜掃居民守奔馳過客防看他望幸意直抵古衢
康

便橋

御橋旁別築一橋隨
從者及輜重皆行之

跨水橋添築分歧路偶雙窄寧同畧
約堅已勝徒杠雖
少紅欄柱仍支白石砮

多累石
爲橋柱

秋來霖潦減應少怒濤撞

病駝

伏地寧探水郎當疥滿胸風聲酸一
圍山骨寫雙峯只

好銅街鑄兼難翠釜供僂行憐郭老
此日太龍鍾

羸馬

千里追風足如今作廢才識途嗟老病戀主但鳴哀過
騎誰憐此飢烏已啄來敝帷安可得碑殂入黃埃

割草

木蘭中遍地皆草既佔地卽割其草以秣馬

行薙聊除地兼堪秣我駒不攜三品料但束一生芻

木蘭

草最肥飼馬不用豆

詎剗陳根盡愁逢野燒枯倦來思小憇還作綠

茵鋪

打柴

木蘭中各取山木爲薪無禁例

糧有牛車載薪寧馬矢燒材原多械樸囿不禁芻蕘
趨摧枯勢擔乘射的颺日斜方待爨莫作爛柯樵

唧嘍喊

謂喊叫者營中禁此甚嚴置卒巡邏

肅肅鈎陳靜司囂按路稽跡如尋響卜威可怖兒啼日落惟鴟噪風清或馬嘶無譁見軍令萬帳出聲低

苦拖力

國語謂
僮奴也

等是人奴耳憐渠更苦辛採柴攀嶺木看馬宿車輪憔悴成人腊淒涼羨鬼薪却聞纔得暇博進又爭緡

此輩多
好賭

買賣街

賈人隨營
設街貿易

負擔來成市熙熙爲利忙屢疑夫布製

列布帳
爲市屢

貨取子錢

償也似趁墟開居然列肆長見珍因物罕敢怨價增昂

入木蘭久則物
益少而價益昂

蒙古營

蒙古王公率其兵從獵者
在營門外數里另立一營

數里營門外穹廬滿澗阿華言應不曉羶氣覺偏多食

但烹羊酪行還跨橐駝年年供獵騎哨路熟林坡

棒椎峯

在熱河平岡上突立一峯如椎俗稱棒椎峯

峯頭驚子立石筍忽然生頗似金莖狀殊慚玉杵名空
中禪棒喝月下搗衣聲遠壯行都色孤標接太清

羊腸河

木蘭中溪河甚小而曲俗名羊腸河

深山無畎澮水到自渠來斷續疑千結縈紆似九迴清
原腸可滌劈豈掌爲開若近長安道堪流曲水杯

塌子頭

蒙古語謂沮洳地也過之慮陷泥淖

沮洳原非地灰連草幾層歸墟浮水出息壤積塵凝失
足愁旋濘驚心似履冰沿邊疾驅過人馬共兢兢

達巴罕

蒙古語謂高嶺也